


www.BibleForChildren.org

Mataio 26



Mwo 6 ni
tan ânebuhe
a *Pacika, a
*pipwodéén de
lépwo *Juif, ke e
tehene nge Bétani wo
Iésu. Ke e mu pele Lazare,
pali e pwo me e mulie cemwo
wo Iésu. Mepwo é ne ko
Maria, ke e pé a
mwotabe na obať ko tabe
ûde na te junihe ubwo a cuhin.
Ke e céihi ne pwo ni a Iésu, ke
e tahi ni an ko ni apunin. Ke te ju
ûde wâé ha ali mwa.



Wo Judas Iscariot, pa céiu bée lépwo 12 *apostolo,
ke e â too ni caa te lépwo apwoâpwailo. Ke e pii télé
pie: «É bo ne Iésu tewé.» Ke te
nihe piwâénimelé, ke lé pii
ten pie: «Geme bo ne ce
mwani tem hemepie go
pwo.» Ke e pihane ace
pwaaden me e
icu Iésu télé.



Ke lé pwo ana e pii wo Iésu, ke lé
piwâamihi a wiinaado ko Pacika. É
he lé ko piwiinaado ibu, ke e pé a
pwoloa wo Iésu, ke e pipwo-olé te
Padué. Ke e ebii, ke e pwopatihi ne
ko lépwo acémun den, ke e pii télé
pie: «Geé pé, ke geé eni, be ani, ke
a ééng.» Ke é alecehen, ke e pé a
mwoûdu ko tabe megele.

Ke e pwo-olé te
Padué, ke e ne
télé. Ke e pii pie:
«Geé tai ûdu.»



«Be ani, ke a cewéhung na e o caa
tée me de ni apulie, beme pineuhi
ni ta pwo télé. Be a pipwoâpwailo
na e pacuwohi a *piapwo na e pwo
wo Padué [pie e ne a péém ne ha
awiemelé me weeng].»



E biteeng wo Iésu ne ko Simon Pétéru, ke e pii pie:
«Go téne! E ilehi wo Caatana pie, me e tai
tacebwénikewé, [wogo me lépwo béém] ke me e pwo
me pinekepé ni pwonimewé ha ace céiu benaamwon.
Kehe woéo, ke é caa pwoitihi me dem, ke é ilehi pie,
me time go uce patieden a céihi tem. Ke mepie go
mwojuia mwobé
céiiéo, ke go
pamwoiu lépwo
ju béém ce.»



Ke e hegi ne ten wo Pétéru pie: «Ûhu go Padaame! Te jan ne kong mwo me é mu he ni picani pwohewiiko, heme é ne he karépu, ai heme nyu tai mele!»

Ke e pii ten wo Iésu pie: «Uhuu, go Pétéru, be é pii tem pie: É jena, ânebuhe a bwo to te a ja, ke o caa ocié go ko piwotétaa kong pie, time go uce temehié.»



Ke é mulang, ke lé â ha a
céiu duaan [na cemi acuwo
hen] na pii kon pie
Getsémané. Ke e pii te
lépwo acémun den wo
Iésu pie: «Geé tebwo éni,
be é mwo â pwoiitihi.»
Ke e pii pie: «Abba, Caa!
Jan ne kom ati ni naado.
Go pé kojaéo ni picani me
ni téé ce! Kehe icehi ana go
nemwo pwo ana nimung kon,
kehe ana nimem kon.»



E pébé ni coda roma wo Judas me ni awéihi
*mwaiitihi. Be lé pahedelé ngen ne ni caa te ni
*apwoâpwailo me ni *Farasaio. Lé ân imi ni ei
helé, me ni teua. Ke e pé a teua ten wo
pa céiu béélé, ke e te tahi kuti ole
pwo puni pa apenem de pa
*daame he lépwo apwoâpwailo.
Kehe icehi ana e te ju
tahagéi a jéénen ne pwo jui.
Ke e pii télé wo Iésu pie:
«Ûhu! Caa jan! Geé nemwo
pwobwonilé!» Ke e pétaa ko
ali jééne pali eabwé. Ke caa
te ju wâé mwo.



Ke lé imwi Iésu. Lé pé ngen Iésu ha a pomwa te pa
daame he lépwo apwoâpwailo. Ke e pi-ilipuweng ngen
wo Pétéru. E too ni bée
awéa pwo napwomwo.
Be lé patéi miû, ke lé
cadéu. Ke e cuwo ko
cadéu pelelé wo
Pétéru.



E mu hadeniilé wo pa
céiu apenem de pa
daame he lépwo
apwoâpwailo, pa bée
pali e tahagéi ali
jéénen wo Pétéru. Ke e
pii mwo ten pie: «He time
uce wogo pana é alikeu me
Iésu, ne ha ali duaan li
cemi acuwo hen?» Ke e
piwotétaa mwo wo Pétéru,
ke e pii pie: «Ûhu!» Ke e te to
kuti ali ja. Ke e te wie kuti
mu pwo napwomwo wo Pétéru,
ke e te junihe é kuti.




Lé tai cuwoda ati ni *mwohuô te
lépwo *Juif, ke lé pé Iésu nge céii
*Pilate [pa gupéno te lépwo Roma].
Ke e tahimwoeng wo Pilate pie:
«Kona te wogo kuti pa
daame he lépwo
Juif?» Ke e hegi ne
ten wo Iésu pie: «A
juuju a bwopiinen dem.»
Te nime Pilate me e pawie



Iésu, ke e pwo me e cihe ne
ko ni apulie [beme e pacuwolé].




Kehe icehi ana lé bwo te junihe
cihe me toii da pie: «Cemeiteeng!
Cemeiteeng ne ko a *kuricé!»




Ke e neeng delé beme lé
cemeiteeng ne ko a kuricé. Ke lé
pé Iésu ngen wo lépwo coda.
E pé a kuricé ten wo Iésu, ke e wie
mu ha a pwomwo ubwo, beme e â
ha a céiu duaan na pii kon pie
Golgota he pwo ébéru, a bwopiinen
pie 'pwo a piipuni apulie'.



É nelang he na lé
o cemeiteeng ne
ko a kuricé, me
lupwo alo apulie,
woilu he lupwo
piduaan, ke wo
Iésu ha
awiemelu.



É he te ju goahen ehi, ke te ju melepiing ati ha amu,
die ko cié inetéale alecehe a goahen. Ke te tie kuti a
mwaanu [na capuhi bwonihi a duaan na junihe iitihi] ne
*huâ iitihi. Ke e cihe da me
ubwo wo Iésu pie: «Caa, é
ne mwo a mulihung he
naatiim!» Ke ele
a nenehen.



É he babwén, ke e tehenebé wo
Josef, pa apulie mu ha a
mwopopwaalé Arimaté,
pa céiu apulie na pwo
a niin ne ha a
mwopitautinaado
te lépwo Juif.
Ke e engen
wo Josef,

ke e â patuwo
a éé Iésu mu ko
a kuricé. Ke e
tawiieng ko a mwaanu
na e pwocuhin. Ke e
pééeng, ke e neeng
he iitihi, ha a pwon
na ini ne ha a péi.



Wo pali e teko mwoiu ko ucéihi ace
bwo tuiebé na a *Mwametau
te Padué. E pipamwoiueng,
ke e â pele pa daame
Pilate, ke e ilehi a éé
Iésu. Be nimen me e
pé a één ânebuhe
a bwo tabuhi na
a tan iitihi.

Ke nebwén,
ke e papitibehi
a pilehe péi,
beme e capuhi
bwonihi ali
pwon.



[Ati ninaa, ke lé pwo he paciile]

a tan ânebuhe a *tan
iitihi te lépwo Juif.

[He paciile] ke lé mu
piwâamihi a piwiinaado
ko a tan iitihi.




Ke é ha acaama hen, [é he capéto] a
tan iitihi, ke lé pitapitilé
ne pele Pilate wo
lépwo caa te lépwo
apwoâpwailo, me
lépwo *Farasaio.



Ke lé pii ten pie: «Go te alihi, go pa
daame, be wo pali ageti ni apulie
li, wo Iésu, ke li e mi pii
ânebyhe a bwo mele ten,
pie: É ha a béciéhe ni
tan alecehe a bwo
mele tong, ke é o
mulie cemwo
mu ha amele.»



Ke lé engen, ke lé â piwâamihi a bwo
wéihi na ali mwa péi.
Ke lé pwomangihi a péi
bwonihi a pomwa hen.
Ke lé ne li coda,
beme lé wéihi.



Caa nebwén a *tan iitihi te lépwo
*Juif. Ke é he pwoiitihi, he
mwo te ju acaama, ânebuhe
a bwo taa tuie te a téale,
ke lu engen me lu â he
iitihi wo Maria mu
Magdala me ê céiu
Maria. Ke te
penem kuti a

bwohemwo.



Be e ole mu he miiden wo pa
céiu *âcélo te Padaame, ke e
papitibehi ali pilehe péi mu
ha a pwo ali mwa péi, ke
e tebwo pwon. Ke te
junihe ele jene
lépwo coda na lé
wéihi ali mwa péi,

ke éjén jélé ko
a bwo mwotilé,
ke lé tupwo
pwohewii nina
lé caa mele.



Ke e pii te luli toomwo wo pali
âcélo pie: «Geu nemwo pwo me
mwotikeu. Be é te temehi
pie geu hane Iésu, pali lé
cemeiteeng ne ko a
*kuricé. Caa time
uce e éni!»



«Be e caa mulie cemwo mu
ha amele, pwohewii ali e caa
mi pii. Geu âbé me geu
alihi ali duaan li lé
neeng hen.»



Ke lu engen he epin mu ha ali
iitihi. Ke te pimwotilu, kehe
icehi ana lu te junihe
pipwodéén mwo. Ke lu tête
nge pipatemehe a jepule ne te
lépwo *acémun de Iésu.



Ke é nge he pwaaden, ke lu téeti
Iésu he pitapitilé. Ke e pii telu
pie: «Bwocu teu!» Ke lu téte
ne kon, ke lu imwi ni an,
ke lu pipaunueng.





Ke a bénebwénen, ke e pihabwiieng de lépwo 11
*apostolo ten wo Iésu, he lé mwo ko wiinaado. Ke
e péélelé, ke e pii télé pie: «Te junihe mwoiu ni
puniwé! Muhi tewé me geé céihi he lé pii tewé pie,
é caa mulie cemwo!» É alecehe a bwo picihe télé
naa, ke céida he miiden Padaame Iésu,
ke e tebwo *pwo a jui Padué.



Te nihe eânime Padué ko a
bwohemwo, ke e ne pa Naîn na te ju
céiu nang, be mepie lé céihi ne kon,
ke me time lé uce mele, kehe o
etelé a *mulie dieli mwo.



Roma 3:23 Be nye tai pwo nina ta, ke tai
wogenye ité koja a wâé te Padué.

Roma 6:23 Be a cuhi a Ta, ke a mele. Kehe wo
Padué, ke e te ju ne tenye me tice ja ko a
mulie dieli mwo, na e pwaadeniin bé wo Kériso
Iésu, Padaame henye.

Ébéru 9:27 Mepwo é ne ko ni apulie, ke lé
te océiu ko mele. Ke é alecehen, ke e
bo tautilé wo Padué.



Éféso 2:8,9 Be e caa celuimikewé mu ko a
pipwoééhe tice ja kon den wo Padué, na e
pwaadeniin bé na a céihi tewé.

Be a âpipati, na e ne tenye [me piticenaado ne
kon] wo Padué. Ke time uce wonaa mu ko ce
penem dewé, ke me geé pipii dewé!

Roma 10:9,10 Be, heme go pii beetihi ko a pwom
pie, wo Iésu Kériso, ke Padaame, ke heme go
céihi ha a ju pwonimem pie, e pamulipieng mwo
wo Padué mu ha amele, ke o celuimiko.

Be hemepie go te junihe céihi ne kon, me pii
beetieng, ke e o celuimiko wo Padué, ke e o pwo
me go mwomwon ne he pwahamiin.



Loane 3:16,17 Te nihe eânime Padué ko a
bwohemwo, ke e ne pa Naîn na te ju céiu nang,
be mepie lé céihi ne kon, ke me time lé uce mele,
kehe o etelé a *mulie dieli mwo.

Be time e uce neopé pa Naîn beme e tauti a
bwohemwo, kehe me e *celuimi a bwohemwo.

1 Loane 5:11-13 Be weengi a *juuju: E ne tenye
wo Padué a mulie na tice anebwén kon. Ke a mulie
naa, ke e he pa Naîn. Ke wo pana e kon wo pa
Naîn, ke eten a mulie. Kehe pana time uce e kon
wo pa Naîn, ke time uce eten a mulie. É tii ninaa
lé céiikewé, wogewé na geé céihi ne he nii pa
Naî Padué, beme geé temehi pie etewé
a mulie na tice anebwén kon.



Mataio 26-28; Luka 22-24; Loane 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Cemuhî Bible (cam) © 2018 Wycliffe Bible Translators
NZ pour l'association Bii Popai Wâro, Poindimié

<https://www.bible.com/en-GB/bible/2379/MAT.1>

©2026 Bible for Children, Inc.

www.M1914.org

www.bibleforchildren.org

